



Հետևողական քայլերով՝ դեպի մաքուր Հայաստան, մաքուր հայրենիք

«Մաքուր Հայաստան» ծրագրի շրջանակներում «մաքրման աշխատանքները իրականացվել են ՀՀ բնապահպանության նախարարության աշխատակազմի տարածքային բոլոր ստորաբաժանումների կողմից:

ՀՀ բնապահպանության նախարարության ներքո գործող բնության հատուկ պահպանվող բոլոր տարածքներում (ԲՀՊՏ-ներ) և դրանց հարակից համայնքների մերձակայքում, որոնք ընդգրկում են Հայաստանի բոլոր մարզերը, իրականացվել են մաքրման և բարեկարգման աշխատանքներ: Համապետական շաբաթօրյակին մասնակցել են ոչ միայն ԲՀՊՏ-ների, այլև նախարարության աշխատակազմի տարածքային ստորաբաժանումների աշխատակիցները:

շարունակությունը էջ 2/



• Զեւսողական ֆայլերով՝ դեղի մաքուր Հայաստան, մաքուր հայրենիք

Սկիզբը՝ էջ 11



«Սևան» ազգային պարկի աշխատակիցներն աղբից մաքրել են հանրային երեք լողափ, պարկի արգելոցները, արգելավայրերը, ռեկրեացիոն և տնտեսական գոտիները: ԶԶ Սյունիքի մարզի «Ձանգեզուր» կենսոլորտային համալիր» ՊՈԱԿ-ում մաքրվել են «Սոսու պուրակ» արգելավայրը, «Շիկահող» արգելոցի ջրվեժի և Նախնադարյան կամրջի, այցելուների կենտրոնի հարակից տարածքները, «Արևիք» ազգային պարկի Բողաքար արգելավայրի, Նյուրբի աղբյուրի և Շվանիծոր համայնքին հա-

րակից տարածքներ, «Ձանգեզուր» արգելավայրի Նոր Աստղաբերդի տեղամասը: «Արփի լիճ» ազգային պարկի աշխատակիցները էլ մաքրել են վարչական շենքի տարածքը, Ջորակերտ, Բերդաշեն, Ծաղկուտ գյուղերի և Արփի լճով անցնող սահմանագրի միջև գտնվող տարածքներ: «Խոսրովի անտառ» պետական արգելոցում մաքրվել են «Խոսրով», «Խաչաձոր», «Գառնի», «Կաքավաբերդ» տեղամասերը, «Խոր-Վիրապ» պետական արգելավայրը, «Գոռավանի ավազուտներ» պետական արգելավայրը: Տավուշի մարզի Կողբ գյուղից մինչև «Ձիկատար» պետական արգելավայրի տարածք տանող ճանապարհը, «Ձիկատար» ուսումնական կենտրոնի հարակից և մոտակայքում գտնվող լճակի տարածքները մաքրել են ուսումնական կենտրոնի աշխատակիցները: «Դիլիջան» ազգային պարկի անձնակազմը մաքրել է Հաղարծին վանական համալիր տանող ճանապարհին կից գտնվող տաղավարները, Ջուխտակ վանքեր տանող ճանապարհին կից գտնվող տաղավարների հարակից տարածքները, Դիլիջան-Ջուխտակ վանքեր մատուռ-Շամախյան էկոթրոնոլին: Մաքրման աշխատանքներ են տարվել նաև «Արգելոցապարկային համալիր» ՊՈԱԿ-ի ենթակայության տակ գտնվող «Ջրվեժ» անտառապարկում, «Էրեբունի» պետական արգելոցում, Ստեփանավանի «Սոճուտ», «Իջևանի» և Բերդի «Սորաններ» դեմոլոպարկերում: Համապետական շաբաթօրյակին միացել են նաև Բնապահպանական պետական տեսչության տարածքային ստորաբաժանումների աշխատակիցները:



ՀՀ բնապահպանության նախարարությունը կոչ է անում միանալ «Մաքուր Հայաստան» ծրագրի մեկնարկին

2017 թ. մայիսի 27-ից Հայաստանի Հանրապետության ողջ տարածքում մեկնարկեց «Մաքուր Հայաստան» ծրագիրը: ԶԶ բնապահպանության նախարարությունը կոչ է անում միավորել բոլորիս ուժերը՝ Հայաստանի բնական լանդշաֆտներում, պատմամշակութային վայրերի և կոթողների հարակից տարածքներում, բնակավայրերում և ճանապարհագրերին կուտակված աղբից մաքրելու գաղափարի շուրջ՝ նպատակադրելով բնության և պատմամշակութային հուշարժանները Հանրապետության քաղաքացիների ու զբոսաշրջիկների համար առավել գրավիչ դարձնել: «Մաքուր Հայաստան» ծրագրի համապետական շաբաթօրյակի շրջանակներում ԶԶ բնապահպանության նախարարության աշխատակազմի աշխատակիցները մաքրման աշխատանքներ կիրականացնեն «Խոսրովի անտառ» պետական արգելոց» ՊՈԱԿ-ի «Հավուցթառ» վանական համալիրի հարակից տարածքում: Նույն օրը միջոցառումներ կիրականացվեն նաև ԶԶ բնապահպանության նախարարության ենթակայության տակ գտնվող բոլոր բնության հատուկ պահպանվող տարածքներում և հարակից հատվածներում:





Նախարարության աշխատակազմը «Մաքուր Հայաստան» ծրագրի մեկնարկը տվեց Խոսրովի անտառից

ՀՀ բնապահպանության նախարարության բոլոր ստորաբաժանումները «Մաքուր Հայաստան» ծրագրի մեկնարկին կազմակերպած համապետական շաբաթօրյակի շրջանակներում մաքրման աշխատանքներ են իրականացրել բնության հատուկ պահպանվող բոլոր տարածքներում և դրանց հարակից համայնքների մերձակայքում: ՀՀ բնապահպանության նախարարության աշխատակազմի աշխատակիցները նախարար Արծվիկ Մինասյանի գլխավորությամբ մաքրման աշխատանքներ են իրականացրել «Խոսրովի անտառ» պետական արգելոցի Հավուց թառ վանական համալիրի հարակից տարածքում: Պատասխանելով լրագրողների հարցերին՝ նախարար Արծվիկ Մինասյանը նշել է, որ ՀՀ բնապահպանության նախարարությունն առաջ էր քաշել



«Հարավ-հյուսիս անաղբ Հայաստան» գաղափարը, որը հավանության արժանացավ ՀՀ կառավարությունում և ՀՀ վարչապետի հանձնարարությամբ մշակվեց համապատասխան ծրագիր, որն այսօր իրականացվում է: Ըստ նախարարի՝ այս նախաձեռնությունը մեկանգամյա ակցիա չէ, այն լինելու է շարունակական, իսկ ամենակարևորը՝ գաղափարի խորն ըմբռնումն ու վերջնական արդյունքը: Այո, դառնանք Մաքուր Հայաստան բոլոր առումներով: Դրա համար նախարարն առաջնային է համարել էկոլոգիական կրթության միջոցով հասարակության բոլոր շերտերի մոտ բնապահպանական գիտակցության և աշխարհայացի ձևավորումը:

Նոր նշանակում



Երկ կրիգորյանին Հայաստանի Հանրապետության բնապահպանության նախարարի առաջին տեղակալ նշանակելու մասին

Հիմք ընդունելով Հայաստանի Հանրապետության Նախագահի 2007 թվականի հուլիսի 18-ի ՆՀ-174-Ն հրամանագրով սահմանված կարգի 121-րդ կետի 6-րդ ենթակետը՝

Երկ կրիգորյանին նշանակել Հայաստանի Հանրապետության բնապահպանության նախարարի առաջին տեղակալ:



ՀՀ վարչապետ Կարեն Կարապետյան

Հոգսերը թեթեւանում են, երբ համատեղվում են ջանքերը

ՀՀ բնապահպանության նախարարությունում կայացել է բնապահպանության նախարարի պաշտոնակատար Արծվիկ Մինասյանի հերթական հանդիպումը բնապահպանական խնդիրներով մտահոգ քաղաքացիների հետ: Նախորդ հանդիպման ժամանակ պայմանավորվածություն էր ձեռք բերվել, որպեսզի բնապահպան-երիտասարդները հիմնեն Բնապահպանական խորհուրդ, որը կհամագործակցեր նախարարության հետ՝ նպատակ ունենալով աջակցել բնապահպանական խնդիրների լուծմանը: Այս երկրորդ հանդիպումը՝ փաստացի խորհրդի հանդիպումն էր նախարարի հետ, որին մասնակցել են նաև նախարարության տարբեր ստորաբաժանումների պատասխանատուներ և Կովկասի բնության հիմնադրամի /CNF-ի/ ազգային համակարգող Արման Վերմիշյանը: Քննարկման առանցքում Գոշ Լճին վերաբերող հարցերն էին: Արծվիկ Մինասյանը ողջունել է երիտասարդների հետ հերթական հանդիպումը՝ նշել, որ համատեղ ջանքերով շատ հարցերի լուծումներ կգտնեն և կարևորել է նման քննարկումները, որոնք հնարավորություն կտան նաև այլ տեսանկյունից անդրադառնալու խնդրահարույց հարցերին: Այնուհետև նախարարը ներկայացրել է այն աշխատանքները, որոնք նախատեսվում են իրականացնել Գոշ Լճի տարածքում: Արծվիկ Մինասյանը մտահոգություն է հայտնել, որ եղանակային պայմանները թույլ չեն տալիս արագ և նախօրոք հայտարարված ժամանակացույցին համապատասխան կատարել Լճի շրջակայքի մաքրումը: Ափամերձ տարածքների տիդմից մաքրման և բարեկարգման բոլոր աշխատանքներն իրականացնելու է «Դիլիջան» ազգային պարկը՝ «Վենդոր» ընկերության միջոցների հաշվին: «Անհրաժեշտ է



առնվազն երեք ոչ անձրևային օր և Լճի ափամերձ տարածքների մաքրումը հնգօրյա ժամկետում ավարտին կհասցվի»,- ասել է նախարարը: Երիտասարդների մտահոգություններին, թե որքանով է խախտվել Լճի էկոհամակարգը, մանրամասնորեն անդրադարձել է CNF-ի ազգային համակարգող Արման Վերմիշյանը: Ըստ նրա, առաջին հայացքից պատկերը ցավալի է ու էսթետիկ հաճույք չի պատճառում. «Բայց, բարեբախտաբար, էական վնաս չի հասցվել և լիճն ունի ինքնավերականգնման հզոր ռեսուրս ու արագ կվերականգնվի»: Բնապահպան-փորձագետն անդրադարձել է Գոշի էկոհամակարգի պահպանմանն ուղղված մի շարք քայլերի, այդ թվում նշել լճում պարբերաբար մոնիտորինգ իրականացնելու անհրաժեշտությանը: Շուրջ երկուսուկես ժամ տևած քննարկման ընթացքում բարձրացվել են ոլորտին առնչվող բազմաթիվ այլ հարցեր, այդ թվում էկոտուրիզմի զարգացման, էկոլոթական դաստիարակության, ոլորտում օրենսդրական փոփոխությունների անհրաժեշտության և այլն: Ամփոփելով քննարկումը՝ նախարարի պաշտոնակատար Արծվիկ Մինասյանը նշել է, որ հանդիպումները պարբերական են լինելու և դրանք նպատակաուղղվելու են նրան, որ քայլ առ քայլ բարեփոխվի ոլորտն այնպես, որպեսզի և՛ տնտեսական, և՛ բնապահպանական լուծումների համադրումով էկոհամակարգային զարգացման համար գտնվի լավագույն տարբերակը:

Մեր ոլորտում կադրերը պետք է լինեն պրոֆեսիոնալ, հայրենասեր եւ պատասխանատու մարդիկ



Մայիսի 31-ին ՀՀ բնապահպանության նախարարի պաշտոնակատար Արծվիկ Մինասյանը նախարարության աշխատակազմին է ներկայացրել նախարարի նորանշանակ առաջին տեղակալին և մադթել արդյունավետ գործունեություն: Նա հույս հայտնել, որ պարոն Պապյանի հարուստ աշխատանքային փորձը կներդրվի գերատեսչության առաջ դրված խնդիրների լուծման մեջ: «ՀՀ բնապահպանության նախարարի առաջին տեղակալի փոփոխության առաջարկը եղել է Սիմոն Պապյանի կողմից: Ցանկանում եմ շնորհակալություն հայտնել պարոն Պապյանին՝ երկարատև աշխատանքի համար և նաև խնդրել, որ նա շարունակի իր գործունեությունը նախարարությունում, քանի որ մենք ունենք շատ սկզբունքային և կարևոր մի համակարգի՝ պետական մոնիտորինգի կայացման խնդիր: Խնդրել եմ, որ նա զբաղեցնի նոր ձևավորված կառույցի տնօրենի պաշտոնը և մենք, որպես մի ամբողջություն, մեկ թիմ, կկարողանանք այս համակարգը կայացնել: Ուզում եմ ներկայացնել նաև պարոն Էրիկ Գրիգորյանին, որին ձեզմից շատերը լավ ճանաչում են: Ասեմ նաև, որ պարոն Էրիկ Գրիգորյանի՝ նախարարի առաջին տեղակալ նշանակելու նախաձեռնությունը եղել է մեր կողմից, որին դրական ընթացք է տվել ՀՀ Նախագահը և վարչապետը, ինչի համար ես շնորհակալ եմ նրանց: Համարում եմ, որ պարոն Գրիգորյանն իր փորձը, գիտելիքները կարող է ծառայեցնել մեր ոլորտի զարգացմանը և հզորացմանը: Մեզ այսօր օդ ու ջրի պես անհրաժեշտ են խորքային ռեֆորմներ թե՛ քաղաքականության մեջ, թե՛ կադրային ոլորտում ու ենթահամակարգերում: Այն անձինք, որոնք չեն բավարարի մեր պահանջներին, դրանք են՝ հայրենասիրությունը, պրոֆեսիոնալիզմը, պատասխանատվությունը, գոնե իմ պաշտոնավարման ժամանակահատվածում այս համակարգում տեղ չեն ունենա և պետք է իրենց տեղը զիջեն այն մարդկանց, ովքեր բավարարում են այդ սկզբունքներին: Սա լինելու է մեր քաղաքականության առանցքային հիմնական ուղղությունը: Ի վերջո, ոլորտը մենք պետք է դարձնենք օրինակելի՝ ժամանակակից ժողովրդավարական, սոցիալական, իրավական պետության կարևոր օղակներից մեկը: Երկար տարիների ընթացքում նաև ձև-



ավորվել և արմատավորվել են երևույթներ, որոնք ընդունելի չեն և որոնք մենք պետք է կազմաքանդենք ու փոխենք: Մեր պետականության ուժեղացման այս կարևորագույն շրջափուլում մենք պետք է ամբողջությամբ դառնանք պետական համակարգի հիմնական դերակատարներից մեկը: Իսկ շրջակա միջավայրի պահպանության վերականգնման և բարելավման, բնական ռեսուրսների ողջամիտ օգտագործման սահմանադրական նորմը՝ պրակտիկ քաղաքականության գործողությունների վերածելու հարցում, մեր նախարարությունը պետք է լինի առաջամարտիկ», - նշել է Արծվիկ Մինասյանը: Այնուհետև, նախարարն ասել է, որ ուժեղ թիմով, կկարողանան առաջ տանել այն գաղափարները, ծրագրերը և ուղղությունները, որոնք նորանշանակ նախարարի տեղակալի հետ առիթ է ունեցել համատեղ քննարկել մինչև նշանակումը: Է. Գրիգորյանը նկատել է, որ նախկինում, երկար տարիներ աշխատելով բնապահպանության նախարարությունում, լավ փորձ է ձեռք բերել, սակայն ժամանակները փոխվում են և շրջակա միջավայրի կառավարման ոլորտում ևս փոխվում են խնդիրներն ու մոտեցումները: «Պետք է աշխատենք շատ արդյունավետ և լուծենք մեր առջև դրված բոլոր խնդիրները: Մեր բոլորի գործողությունների նպատակը պետք է լինի զարգացող, ավելի լավ Հայաստան ունենալը», - ասել է Է. Գրիգորյանը:

Մեկ շաբաթվա ընթացքում կատարված խախտումների դիմաց հաշվարկել է շուրջ 666.0 հազ. դրամի շրջակա միջավայրին հասցված վնաս



ՀՀ բնապահպանության նախարարության բնապահպանական պետական տեսչության կողմից 22.05-26.05.2017 թթ. ժամանակահատվածում իրականացված շրջայցերի, ԲՊՏ վարույթին հանձնված գործերի քննության և հաշվետվությունների ընդունման գործընթացում հայտնաբերված խախտումների արդյունքում կայացվել է 760,0 հազ. դրամ ընդհանուր գումարի վարչական տուգանքի 11 որոշում և հաշվարկվել 666,0 հազ. դրամ ընդհանուր գումարի շրջակա միջավայրին հասցված վնաս: Մասնավորապես՝

Ապօրինի որսի իրականացման համար՝

Կազմվել է վարչական տուգանքի 1 որոշում՝ 30,0 հազ. դրամ գումարով,

Առգրավվել է 435 հատ (81,0կգ) «սիգ» տեսակի ձուկ, 9.5 կգ խեցգետին, 2 հատ խեցգետնաորսիչ, 3 հատ ձկնորսական ցանց, որից՝ Գեղարքունիքի տարածքային բաժինը «Սևան ԱՊ» ՊՈԱԿ-ի հետ համատեղ իրականացրած ստուգայցերի ընթացքում առգրավել է (տիրագուրկ)՝ 435 հատ (81,0կգ) «սիգ» տեսակի ձուկ, 182 հատ (9,5կգ) խեցգետին, 3 հատ ձկնորսական ցանց, 2 հատ խեցգետնաորսիչ: Սիգ տեսակի ձուկն օրենքով սահմանված կարգով հանձնվել է Սևանի թիվ 1 «Բողբոջ», թիվ 4 «Գալիք», թիվ 3 «Չեքիաթ» մանկապարտեզներ, «Գավառի մանկատուն» ՊՈԱԿ, «Վարդենիսի նյարդահոգեբանական տուն-ինտերնատ» ՊՈԱԿ և «Սևանի հոգեբուժական հիվանդանոց» ՓԲԸ: Խեցգետինները կենդանի վիճակում բաց են թողնվել Սևանա լիճ, իսկ ցանցերը և խեցգետնաորսիչներն ի պահ են հանձնվել «Սևան ԱՊ» ՊՈԱԿ-ի պահեստ: Արարատի տարածքային բաժինն իրականացրել է վարույթ, որի արդյունքում մեկ ֆիզիկական անձի նկատմամբ կայացվել է 30,0 հազ. դրամի վարչական տուգանքի 1 որոշում:

Փայտանյութի ապօրինի տեղափոխում՝

Կազմվել է վարչական տուգանքի 1 որոշում՝ 100,0 հազ. դրամ գումարով և հաշվարկվել է 666,0 հազ. դրամ ընդհանուր գումարի շրջակա միջավայրին հասցված վնաս, որից՝

Արագածոտնի տարածքային բաժնի աշխատակիցների շրջայցերի արդյունքում հայտնաբերված փայտանյութի ապօրինի տեղափոխման 1 դեպքի համար կայացվել է 100,0 հազ. դրամի վարչական տուգանքի 1 որոշում և հաշվարկվել է 54,0 հազ. դրամ գումարի շրջակա միջավայրին հասցված վնաս: Տավուշի ոստիկանության երկու գրության հիման վրա տարածքային բաժնի կողմից իրականացվել է ավտոմեքենայում փայտանյութի զննման աշխատանքներ, կազմվել է մասնագիտական եզրակա-

ցություն, հաշվարկվել է ընդհանուր 17 խմ փայտանյութ՝ 612,0 հազ. դրամի վնաս: Գործը հանձնված է իրավապահներին:

Բնապահպանական և բնօգտագործման վճարների եռամսյակային հաշվետվությունները սահմանված ժամկետում չներկայացնելու համար՝

Կազմվել է վարչական տուգանքի 6 որոշում՝ 420,0 հազ. դրամ գումարով, որից՝

Արարատի տարածքային բաժնի կողմից 1 տնտեսվարողի նկատմամբ կայացվել է 50,0 հազ. դրամի վարչական տուգանքի որոշում: Երևանի տարածքային բաժնի կողմից 5 տնտեսվարողի նկատմամբ կայացվել է 370,0 հազ. դրամ ընդհանուր գումարի վարչական տուգանքի 5 որոշում:

Մթնոլորտի պահպանության ոլորտ

Կազմվել է վարչական տուգանքի 1 որոշում՝ 50,0 հազ. դրամ գումարով, որն է՝

Շիրակի տարածքային բաժնի աշխատակիցների շրջայցերի արդյունքում հայտնաբերված առանց անթափանց ծածկոցի ավազի տեղափոխման 1 դեպքի համար մեկ ֆիզիկական անձի նկատմամբ կայացվել է 50,0 հազ. դրամի վարչական տուգանքի որոշում:

Հողերի պահպանության ոլորտ

Կազմվել է վարչական տուգանքի 1 որոշում՝ 80,0 հազ. դրամ գումարով, որն է՝

Արմավիրի տարածքային բաժնի աշխատակիցների ստուգայցերի արդյունքում հայտնաբերված մեկ գործով կայացվել է 80,0 հազ. դրամի վարչական տուգանքի 1 որոշում:

Շրջակա միջավայրի վրա ազդեցության փորձաքննության դրական եզրակացության բացակայության համար

Կազմվել է վարչական տուգանքի 1 որոշում՝ 80,0 հազ. դրամ գումարով, որն է՝

Գեղարքունիքի տարածքային բաժնի և «Սևան ԱՊ» ՊՈԱԿ-ի հետ համատեղ կազմվել է առանց շրջակա միջավայրի վրա ազդեցության փորձաքննական դրական եզրակացության գործունեություն իրականացնելու վերաբերյալ արձանագրություն, իրականացվել է վարչական վարույթ: Իրավախախտի նկատմամբ կիրառվել է 80,0 հազ. դրամի վարչական տուգանքի 1 որոշում:

Ընդհանուր առմամբ ԲՊՏ կիրառված պատժամիջոցներից նշված ժամանակահատվածում ՀՀ պետական բյուջե է մուտքագրվել 0,5 մլն. դրամ գումար:

ՀՀ բնապահպանության նախարարի ուղերձը կենսաբազմազանության միջազգային օրվա առթիվ

Հարգելի հայրենակիցներ

Մայիսի 22-ը աշխարհի բազմաթիվ երկրների հետ միասին Հայաստանը նշեց կենսաբազմազանության միջազգային օրը: Կենսունակ էկոհամակարգերը և կենսաբազմազանությունը մարդկության գոյության կարևորագույն նախապայմաններից են, որոնք ընձեռում են հասարակության զարգացման և տնտեսական աճի լայն հնարավորություններ: Համաշխարհային տնտեսության թռիչքային աճի ներկայի տեմպերն առաջնային հարթակ են մղում կենսաբազմազանության պահպանության խնդիրները: Կենսաբազմազանության պահպանության առաջնայնությունն ընդգծելու նպատակով 1993 թ. ՄԱԿ-ն ընդունել է «Կենսաբազմազանության մասին» կոնվենցիան, որը ստորագրել է աշխարհի ավելի քան 168 երկիր: Հայաստանի Հանրապետությունը՝ կարևորելով միջազգային հանրության նախաձեռնած գործընթացը, 1993 թ. նույնպես վավերացրել է նշված կոնվենցիան և ստորագրել կենսաբազմազանության հետ կապված մի շարք բնապահպանական միջազգային համաձայնագրեր ու արձանագրություններ՝ իր վրա վերցնելով պարտավորություններ: Վերջիններիս իրականացումը նպատակաուղղված է շրջակա միջավայրի և Հայաստանի հարուստ



կենսաբազմազանության արդյունավետ պահպանությամբ: «Կենսաբազմազանության մասին» կոնվենցիան Հայաստանը վավերացրել է 1993 թ.-ին՝ երկրի անցումային շրջանի առավել ծանր ժամանակահատվածում, երբ զրկված էր կենսաապահովման տարրական միջոցներից: Սակայն, արդեն այդ ժամանակ գերակայող էր այն գաղափարը, որ Հայաստանի զարգացումը մեծապես կախված է կենսառեսուրսների առկայությունից, որոնք ընդերքի պաշարների հետ հավասարապես, երկրի համար ռազմավարական նշանակություն ունեն:

Շնորհակալագիր ՀՀ բնապահպանության նախարարությանը

«Արևորդի» միջազգային բնապահպանական փառատոնի համակարգող կազմակերպության՝ «Վայրի բնության և մշակութային արժեքների պահպանության հիմնադրամի» կողմից ՀՀ բնապահպանության նախարարությանը շնորհվել է «Շնորհակալագիր» «Արևորդի» միջազգային բնապահպանական 6-րդ փառատոնին գնահատելի ներդրման և աջակցության համար:



Ժուռնալիստների «Ասպարեզ» ակումբի հայտարարության հիման վրա ՀՀ բնապահպանության նախարարությունում հարուցվել է վարչական վարույթ

ՀՀ բնապահպանության նախարարությունում ուսումնասիրվել է ժուռնալիստների «Ասպարեզ» ակումբի 2017 թվականի մայիսի 16-ի՝ «ՀՀ ԲՆ «Սևան» ազգային պարկ» ՊՈԱԿ-ի տնօրեն Վ. Գուլանյանի կողմից «Տեղեկատվության ազատության մասին» ՀՀ օրենքի պահանջի խախտման մասին» հայտարարությունը (դիմումին պատասխանելու օրենքով սահմանված ժամկետները չպահպանելու վերաբերյալ), ինչի կապակցությամբ

«Վարչարարության հիմունքների և վարչական վարույթի մասին» ՀՀ օրենքով սահմանված կարգով հարուցվել է վարչական վարույթ: Վարչական վարույթի բազմակողմանիությունը և օբյեկտիվությունն ապահովելու նպատակով 2017 թվականի հունիսի 1-ին ժամը 12:00-ին «Ասպարեզ» ակումբի խորհրդի նախագահ Լ. Բարսեղյանը հրավիրվել է ՀՀ բնապահպանության նախարարություն՝ լսմանը մասնակցելու համար:

Հրազդան համայնքում 7100 տոննա աղտոտված հողը Նուբարաշենից չի տեղափոխվի ժամանակավոր պահեստ

Հրազդան քաղաքի մի շարք հասարակական կազմակերպություններ դիմել էին ՀՀ վարչապետ Կարեն Կարապետյանին, ՀՀ բնապահպանության և արտակարգ իրավիճակների նախարարներին՝ իրենց մտահոգությունը հայտնելով Գլոբալ էկոլոգիական Ֆոնդի (ԳԷՖ) ֆինանսավորմամբ և ՄԱԿ-ի Զարգացման ծրագրի (ՄԱԶԾ) աջակցությամբ իրականացվող «ժամկետանց պեստիցիդների պաշարների ոչնչացում և կայուն օրգանական աղտոտիչներով (ԿՕԱ) աղտոտված տարածքների աղտազերծում՝ քիմիկատների անվտանգ կառավարման միջոցառումների շրջանակներում» իրականացվող ծրագրի առնչությամբ, որով նախատեսվում է Հրազդան քաղաքի հարակից տարածքում Նուբարաշենի թունաքիմիկատների թափոնների ժամանակավոր գերեզմանոցի վտանգավոր թափոնների պահեստավորման և կառավարման ազգային կենտրոնի ստեղծում՝ ՀՀ արտակարգ իրավիճակների նախարարության հետ համատեղ: ՀՀ բնապահպանության նախարար Արծվիկ Մինասյանի հանձնարարությամբ նախարարի տեղակալ և ծրագրի համակարգող Խաչիկ Հակոբյանի մոտ տեղի է ունեցել քննարկում, որին մասնակցել են Հրազդան քաղաքի «Քաղաքացիական նախաձեռնության» անդամ հասարակական կազմակերպությունների ներկայացուցիչները, համայնքապետարանի պաշտոնյաներ, ՀՀ արտակարգ իրավիճակների նախարարության համապատասխան ստորաբաժանումների ղեկավարներ, ծրագիրն իրականացնող աշխատանքային խմբի և կենտրոնի կառուցման նախագծային աշխատանքներն իրականացնող «էլեկտրոննախագիծ» ՓԲԸ-ի ներկայացուցիչները: ՀՀ բնապահպանության նախարարի տեղակալ Խաչիկ Հակոբյանը, շնորհակալություն հայտնելով հասարակական կազմակերպությունների ներկայացուցիչներին քաղաքացիական ակտիվություն դրսևորելու համար, տեղեկացրել է, որ վերջիններիս պահանջով արդեն նախնական փուլում ծրագրի կառավարման խորհրդի որոշմամբ նախկինում նախատեսված 7100 տոննա աղտոտված հողը Նուբարաշենից չի տեղափոխվի ժամանակավոր պահեստ,



հետ, այլ կվնասագերծվի տեղում: Փոխնախարարը հավաստիացրել է, որ հետագայում էլ ծրագիրն իրականացնող խումբը կդիտարկի և լուծում կտա ռիսկային ցանկացած խնդիր: Քաղաքացիական նախաձեռնության նեկայացուցիչները մտահոգություն են հայտնել, որ կայուն օրգանական աղտոտիչներ պարունակող թունաքիմիկատների պահեստը կարող է վտանգ ներկայացնել տեղի բնակչության համար՝ խոչընդոտելով գյուղատնտեսությանը, անասնապահությանը, մեղվաբուծությանը: Նախատեսված տարածքը շրջապատված է սեփականաշնորհված հողատարածքներով և այնտեղով անցնում են նաև մակերևութային ջրեր: Նախարարի տեղակալ Խաչիկ Հակոբյանը հայտնել է, որ քանի դեռ նախագծող ընկերությունն օրենքով սահմանված կարգով նախագիծ չի ներկայացրել, որում ամրագրված կլինեն առաջարկվող լուծումները՝ հնարավոր չէ մասնագիտական քննարկում կազմակերպել հնչած մտահոգությունների վերաբերյալ: Նախարարի տեղակալը հավաստիացրել է, որ նախագիծն օրենքով սահմանված կարգով կդրվի հանրային քննարկման, որի ժամանակ քաղաքացիական հասարակության ներկայացուցիչները կարտահայտեն իրենց կարծիքները և մասնագիտական դիտարկման կենթարկվեն հնչած մտահոգություններն ըստ էության: Նա հավաստիացրել է, որ թունաքիմիկատների փաթեթավորումը և պահպանումը կատարվելու է միջազգային չափանիշներին համապատասխան և բացառվելու են կայուն օրգանական աղտոտիչներ պարունակող թափոններից եկող բոլոր ռիսկերը, ինչը դրված է ծրագրի գաղափարախոսության հիմքում: Այն լինելու է միջազգային չափանիշներին համապատասխան ժամանակավոր պահեստարան, որտեղ պահվող ժամկետանց թունաքիմիկատները կարտահանվեն արտերկիր՝ ոչնչացման:

Նախագիծը՝ Արծուն Պեղանյանի
խմբագիր՝ Սանվել Սկրչյան
Ձևավորումը՝ Նարինե Բաղդասարյանի
Նյութերը՝ ՀՀ ԲՆ Տեղեկատվության և հասարակության հետ կապերի վարչության

Հեռախոս՝
011 818 517